

Orao kliktaš (*Aquila pomarina*) posmatran u Livanjskom polju

Lesser Spotted Eagle (*Aquila pomarina*) observed in Livanjsko polje:

An adult Lesser Spotted Eagle was observed in the area of Ždralovac on 30.5.2018, during the regular monitoring of birds, habitats and illegal hunting in Livanjsko polje. This is the only known breeding site of this species in Bosnia and Herzegovina.

Dana 30.5.2018. godine tokom redovnog monitoringa ptica u okviru projekta Adriatic Flyway 4, na lokalitetu Ždralovac u sjevernom dijelu Livanjskog polja posmatran je jedan odrasli primjerak orla kliktaša (*Aquila pomarina*). Ptica je u više navrata kružila iznad močvare i obrušavala se ka tlu, poslije čega je odletjela u pravcu Jaruge, pri čemu su napravljene i dokazne fotografije. Za ovu vrstu pretpostavljalo se da gnijezdi na prostoru Livanjskog polja [Schneider-Jacoby, M., Rubinić, B., Sackl, P., Štumberger, B., 2006: A preliminary assessment of the ornithological importance of Livanjsko polje (Cetina River Basin, Bosnia and Herzegovina). *Acrocephalus*, 27 (128-129): 45-55.]. S obzirom da duži niz godina nije viđena na istraživanom prostoru, postojale su indicije da je iščezla. Iako tokom ovog posmatranja nisu uočeni elementi gnijezdećeg ponašanja, pojavljivanje u sezoni gniježđenja ukazuje na moguće gniježđenje na datom prostoru i na potrebu da se dati lokalitet dodatno istraži i definitivno ustanovi status vrste. Tokom prikupljanja podataka za Atlas gnjezdarica Bosne i Hercegovine, osim Livanjskog polja, vrsta nije bilježena u drugim dijelovima zemlje iako postoje optimalna staništa za gniježđenje u Posavini, zbog čega Livanjsko polje predstavlja jedino poznato gnjezdilište u Bosni i Hercegovini.

Slika 1. Orao kliktaš (*Aquila pomarina*) 30.5.2018. godine u Ždralovcu, sjeverni dio Livanjskog polja (Foto: Goran Topić)

Figure 1. Lesser Spotted Eagle (*Aquila pomarina*) on 30.5.2018 in Ždralovac, at the northern part of Livanjsko polje (Photo: Goran Topić)



Goran Topić i Biljana Topić
Ornitološko društvo „Naše ptice“
Semira Frašte 6, 71000 Sarajevo
naseptice@hotmail.com